

## ¡BOMBA!

Pues este cuento no es nuevo, se da entre amigos de antaño; cambio en poder hará daño, y eso no lo vio Evo



# K'untzil

Lunes 28 de octubre de 2024

CAMPECHE · YUCATÁN · QUINTANA ROO · AÑO 10 · NÚMERO 2350 · [www.lajornadamaya.mx](http://www.lajornadamaya.mx)



## Yanchaj kex waxaktúul máak jkíim úuchik u wa'ak'al ba'al tumen Israel ti' jump'éel u noj kaajil Sidón

Afp / p 30  
Oochel Reuters

Kex wakaxtúul máak jkíim yéetel uláak' kex 25 úuch loob ti'ob le domingo máanika', úuchik u wa'ak'al ba'al tumen Israel naats' ti' u noj kaajil Sidón, tu noojolil Líbano, beey k'a'aytabik tumen libanesil Ministerio de Salud.

Ya'ab máax kaja'an te'el tu'ux beeta'ab loobilaj, ts'o'oke' yaan baatsilo'ob k'uch'o'ob te'elo' úuchik u

yantal u luk'ulo'ob ti' uláak' baantailo'ob yaan tu noojolil le noj lu'umo'.

Le je'ela', leit'e' yáax wa'awak'ajil yanchaj te'elo' desde ka'aj káaj ba'ateltáambal ichil Israel yéetel islamista libanesil Hezbolá péeksajil le winalil máaniko'.

"Loobilaj beeta'ab tumen Israel tu noj kaajil Haret Saída tu kíinsaj waxaktúul

máak [...]", tu ya'alaj Ministerio de Salud. Beyxan ANI, libanesil kúuchil k'a'aytik péektsilo'ob, tu ya'alaje' ichil le jkíimo'obo' yaan juntúul chan paal.

Juntúul máax ku meyaj AFP tu ya'alaje', wa'awak'aje' beeta'ab ti' jump'éel óoxt'o'ol kúuchil, ts'o'oke' jach k'aschaj u yóox t'o'olilo'.

Jayp'éel ti' le kúuchilo'ob naats'

yaniko'obo', k'askúuntabo'ob xan, ts'o'oke' yaan xan paramedikóos ila'ab k'uch te'el tu'ux úucho', ti'al u kaxta'al wa yaan máax láayli' kuxa'ane'.

Israeliil ajk'atune' tu k'aataj ka yanka u jóok'saal máax yaan tu noojolil Líbano le domingo máanika', ba'ale' ma' tukulta'an wa je'el u k'uchul ba'al tak Haret Saídae'.